


說文段注撰要

一





說文段注撰要

(一)

馬壽齡述

序

凡爲學必盡吾力以深造其域乃能收其秘奧而資我神智若淺嘗而漫與則終其身無所得於心焉僕亦好讀書而學殖日落蓋不能彊記不能精研雖讀猶之未讀已鶴船翁讀段氏說文舉其論說析其義類釐爲札記九卷持以示僕僕自恨涉獵之粗疎而深服鶴船翁之服習精敏以此法讀書盡一卷則藏一卷於胷中久之則萬卷必可破鶴船翁固深知爲學之道者故每讀一書輒勤苦若此宜其淹博宏通

文爲士則也治說文者近年有祁相國王孝廉筠皆  
邃於斯學並有論箸刊行亦可爲段氏之羽翼儻可  
取以相證乎

同治戊辰季秋喬松年識於海陵三峰園

序

文字之興原於卦畫仰觀俯察通德類情所以綱紀  
彝倫錯綜人術者葡矣三代之盛車書大同無有亂  
名改作者秦隸一變六義寢失漢試學僮書兼八體  
聖神微意賴以不絕迄乎揚雄訓纂才五千餘字視  
漢初諷書九千以上所缺失少半矣光武時伏波將  
軍始上書請正文體迄於和帝之世許叔重氏乃博  
問通人撰說文解字十四篇初漢九千之數庶幾復  
葡形體音義總括六書天地萬物靡不畢載此聖道

所待以明王化所待以亘者也唐宋以來羸雜譌奪  
非復完書繫傳妄加音切謬誤韻譜而古音絕響學  
者且謂許學爲字書之屬矣其研求形義若戴侗周  
伯琦趙撝謙輩亦皆得失相參擇不精而語不詳我

朝作者林立段氏晚出遂執牛耳厥後匪石鈕氏遵義鄭  
氏頗能別出新義匡所不逮然屬鄧借助亦須句顛  
臾之比矣姑孰學博鶴船先生夙究許學服膺段氏  
道光庚子 徵麟 年甫弱冠獲見先生於秦淮水序聆  
其言論丰裁公心臧寫之自是鴻爪東鹵戎馬征逐

三十餘年不獲復親警欬歲已巳予方于役長江軍

次聞先生應省垣志局之聘竊計晤教有日矣又三

年曾文正公薨於金陵

徵麟

遂有歸與之意適中丞

英公方伯裕公以協修通志見委馳檄召歸比至而  
先生已捐館舍踰年乃日與嗣君暘賓廣文相晤語  
知其邃於許學淵原有自因略舉先徵君之講古音  
及六書鄙見與先正不合者相印證蓋古無入聲詩  
爲樂章入聲促而不互何以能歌今北音可驗也古  
音不過九部如琴之九弦七弦而已宮音字譜爲工

如段表第九部中宮東聲之等是也變宮字譜爲凡  
凡讀若焚風鳳芑皆凡聲如表六七八部弓咸凡聲  
之類商譜爲上如表十部陽商罔鬯聲之類角爲舌  
音字譜爲六皆讀若路如表三四五部之半六各路  
角族亞若乇聲之類徵讀近齋管子以諧駭字譜爲  
乙讀若艾如表十二十五十六部之半乙徵必佳聲  
之類變徵讀如止譜爲四如表十五十六部之半厶  
四易狄聲之類羽爲脣音譜爲五如表三四五部之  
半谷區華魚五聲之類其二三部毛臬秋臭等聲蓋



爲倍羽若苾莛苴蕉諸韶區歐胡侯之音轉是也十  
四部袁宣區算等聲則少商矣古音簡易自然如此  
奈何胥執四聲二百六部之見以截止適履邪文字  
之孳如重卦觀象然一爻而象形指事會意非一崑  
一文而或則象形或則象事象意如一爲數始在不  
爲天丙爲陽而爲鼻下至才屯崑爲地兀象高平巧  
爲礙於上卅爲穿於中亟五之二爲天地土之二爲  
地上地中互之二爲兩岸亘之二爲上下王之三爲  
天地人王之三象三王連置之三象界而在艸木象

根又象艸多葉在人物象髭鬚子爲陽氣動又象襪  
襪足竝之形𠄎爲流水在晉象髮不爲鳥飛不下亦

象丩之承鄂出象枝莖益大又象狻猊頰毛上出亦

象地出三歧有所出往物出三端有所指適若斯之

類非關段借蓋段借主聲以濟形事意之窮故取義

者絕少非若轉注主義而兼聲也

段云轉注主義猶會意說亦未芻如

庠養校教序射之類皆轉注而諧聲實多

賜賓蹕之又踰年余奉部檄銓

授太平教諭而先生同選南陵皆甯國府屬也脫天

段之年則師資不遠矣追念典型良用慨歎

徵麟既

奉檄迫於例限行有日矣陽賓乃出先生讀段札記  
九卷相示曰此先人手澤將登諸棗梨以廣其傳願  
得一言弁簡辭不獲命遂挾之以行太平在萬山之  
中黃山之麓學舍多暇獨與天都蓮花諸峰相對因  
取先生書觀之其義類凡九曰誤字曰譌音曰通用  
字曰說文所無字曰俗字曰段借字曰引經異字曰  
引經異句曰異解一以段義為主分條晰縷屢卷燦  
然今學者讀段氏書眇不望洋而歎者得先生是編  
爲之梯航庶從事小學者樂其易易由是以求六義

之精蘊不惟小學藉以互暢將經學因以昌明豈特  
爲功於段氏而已哉爰書以歸之所以識嚮往之忱  
竝趨陽賓速事劄劄也

同治甲戌春三月懷甯宗後學徵麟識

說文段注撰要目錄

卷一

誤字

卷二

譌音

卷三

通用字

卷四

說文所無字

卷五

俗字

卷六

段借字

卷七

引經異字

卷八

引經異句

卷九

異解





說文段注撰要卷一

當塗馬壽齡述

誤字

柴

柴燒柴寮祭天也古文尙書作柴不從木作柴解

字燒柴之柴自作柴凡柴寮作柴燎者皆誤字

瓊

左傳成公十八年璿瑰今本作瓊瑰僖公二十八年璿弁今本作瓊弁張守節史記璿璣作瓊璣璿

與瓊古書  
多相亂

葳蕤

當作  
威蕤

將鏘

秦風佩玉將將玉藻然  
後玉鏘鳴皆當作瑤

丁

椽之丁丁伐木丁丁  
蓋當疊字言叮叮